



De Gripp

Gedicht:

Letz kom einer bei mich - d`r Bleimichels Franz
un kühmb : nä, d`r Deufel et weiß !
Dä säht, dat im alles em Kopp eröm danz,
bal wör et im kalt un bal heiß.

Faß jede Moment, do wöht et im flau,
hä künnt ob de Bein kaum noch stonn,
dann wöht et im grün vor de Auge, dann blau,
hä glööv, et wör met im gedonn.

Do muß en et Bett, wat denks do der wohl!
un dann für ding Besserung
schött öhndlich d`r Liev der voll Alkohol,
do häß jo de Gripp, leve Jung.

Zehn Dag dann donoh, do trof ich sing Frau,
et ehzte, wie sei kom elans,
frot' ich se verwundert, ich hat doch kein Rauh,
wie eß et - wie geht et dem Franz?

Ach säht se, sing Gripp eß got widder fott,
von lauter Schabau un von Rum
schleit hä mer daheim all die Möbele kaputt,
hä hätt jetzt et Delirium!